

Na osnovu člana 24. tačka c), a u vezi s članom 5. stav (2) tačka b) Zakona o internoj reviziji institucija Bosne i Hercegovine („Službeni glasnik BiH“ br. 27/08 i 32/12), Centralna harmonizacijska jedinica Ministarstva finansija i trezora Bosne i Hercegovine donosi

ODLUKU

o usvajanju standarda interne revizije u institucijama Bosne i Hercegovine

Član 1.

(Predmet Odluke)

Ovom odlukom Centralna harmonizacijska jedinica Ministarstva finansija i trezora Bosne i Hercegovine reguliše usvajanje, objavljivanje i primjenu standarda za profesionalnu praksu interne revizije u institucijama Bosne i Hercegovine.

Član 2.

(Primjena Standarda)

- (1) Vršenje interne revizije u institucijama Bosne i Hercegovine provodi se u skladu s Međunarodnim standardima za profesionalnu praksu interne revizije, naslov originala: International Standards for the Profesional Practice of Internal Auditing (*IPPF*) – u daljnjem tekstu Standardi.
- (2) Vlasnik standarda je The Institute of Internal Auditors (IIA), 1035 Greenwood Blvd., Suite 401, Lake ary, FL 32746, U.S.A. – u daljnjem tekstu Institut internih revizora.
- (3) Primjenu Standarda odobrio je Koordinacioni odbor centralnih jedinica za harmonizaciju Odlukom, broj: KO-12/17 od 06.12.2017. godine uz saglasnost Udruženja internih revizora u BiH, koje je priznato kao Institut internih revizora u BiH od strane vlasnika Standarda.
- (4) Obaveza primjene Standarda odnosi se na institucije i javna preduzeća na koje se primjenjuje Zakon o internoj reviziji institucija Bosne i Hercegovine.

Član 3.

(Dostupnost)

- (1) Međunarodni standardi za profesionalnu praksu interne revizije vlasništvo su Instituta internih revizora, a dostupni su na službenim jezicima u institucijama Bosne i Hercegovine na veb stranici Svjetskog Instituta internih revizora: **<http://global.theiia.org>**.
- (2) Centralna harmonizacijska jedinica Ministarstva finansija i trezora BiH, u saradnji s Udruženjem internih revizora u BiH, koje je priznato kao Institut internih revizora u BiH od strane vlasnika Standarda, osigurat će trojezično štampano izdanje Standarda iz 2017. godine osobama zaduženim za vršenje funkcije interne revizije u institucijama BiH.

Član 4.

(Prelazne i završne odredbe)

- (1) Stupanjem na snagu ove odluke prestaju važiti standardi interne revizije u institucijama Bosne i Hercegovine, objavljeni kao Prilog 1 Priručnika za internu reviziju, koji je objavljen Odlukom o usvajanju Kodeksa profesionalne etike za interne revizore u institucijama Bosne i Hercegovine, Povelje interne revizije u institucijama Bosne i Hercegovine i Priručnika za internu reviziju sa

standardima interne revizije u institucijama Bosne i Hercegovine („Službeni glasnik BiH“ broj 82/12).

- (2) Centralna harmonizacijska jedinica Ministarstva finansija i trezora BiH izvršit će usaglašavanje podzakonskih akata s novim Standardima kroz izmjene i dopune Kodeksa profesionalne etike za interne revizore u institucijama Bosne i Hercegovine, Povelje interne revizije u institucijama Bosne i Hercegovine i Priručnika za internu reviziju u institucijama Bosne i Hercegovine.

Član 5.

(Stupanje na snagu)

- (1) Odluka stupa na snagu osmog dana od objavljivanja u „Službenom glasniku BiH“.
- (2) Odluka će biti objavljena i na veb stranici Ministarstva finansija i trezora Bosne i Hercegovine - Centralna harmonizacijska jedinica: www.mft.gov.ba

Broj: 02-1-02-4-586-1/17
Sarajevo, 19.12.2017. godine

Direktor
Centralne harmonizacijske jedinice
Ministarstva finansija i trezora Bosne i
Hercegovine

Ranko Šakota, v.r.